



Publicaziuns dalla vischnaunca, jamna 26

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2020-1019.000

Manuela e Thomas Hirschi, Via Peisel 24, 7186 Segnas: construcziun d'ina terrassa vid igl edificci nr. 400A, parcella 1111, Via Peisel 24, 7186 Segnas.

Nr. 2020-1020.000

Claudia e Manuel Flepp, Via Nova 3, 7180 Disentis/Mustér: construcziun d'ina suosta per il plaz da seser, parcella 3879, Via Nova 3, 7180 Disentis/Mustér.

Nr. 2020-1021.000

Elfrieda e Max Dinser-Gadola, Rimihalde 6, 6314 Unterägeri: sanaziun dalla casa d'ina famiglia, edificci nr. 281B, parcella 1306, Via Acletta 21, 7180 Disentis/Mustér.

Nr. 2020-1022.000

Proprietad en condomini parcella 649, Via Dulezi 13, 7180 Disentis/Mustér: prolungaziun dalla remisa vid migl edificci nr. 160, parcella 649, Via Dulezi 13, 7180 Disentis/Mustér.

Disentis/Mustér, ils 26 da zercladur 2020
Uffeci da baghegiar Disentis/Mustér

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2082.000

Sigisberta Lucia Schmed, Denter Uauls 270C, 7144 Vella: Lavurs da manteniment enteifer la tegia nr. 763B, parcella 3568, Cavardiras/Caischavedra Dadens, 7180 Disentis/Mustér.

Nr. 2020-2083.000

Lisabet ed Armin Caduff-Giger, Via Plaun 10, 7163 Danis: engrondaziun dil parcadi, parcella 599, Via Run 3, 7180 Disentis/Mustér.

Nr. 2020-2084.000

Gebhard Merk, Branstrasse 31, 8601 Uster: sanaziun dil plaz da seser e dil mir da crap, parcella 931, Via Scaletta 1, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 26 da zercladur 2020
Uffeci da baghegiar Disentis/Mustér



Negina fiasta officiala digl 1. d'uoost 2020

Las reglas actualas da higiena e da distanza en connex cul coronavirus impedeschan d'organisar ina fiasta naziunala publica sco ella ha giu liug ils davos onns el contuorn dalla casa communal. Sebasond sin quella situaziun extraordinaria sco era per limitar il prighel da derasar il virus ha la suprastonza communal decidu da desister d'organisar uonn ina festividat d'1. d'uoost publica. Nus engraziein per la capientscha e supplichein da vinavon respectar ils scamonds e las reglas da cumportament che la Confederaziun ed il cantun Grischun han decretau en connex cul coronavirus.
Suprastonza communal

Center Fontauna legreivla nuviala – vigurus sustegn dil Cantun

Suenter in'intensiva lavur sur liung temps entras in tschappel beinvulentas personalitads dil Cantun, dalla regiun e dalla vischnaunca, ha la Regenza grischuna concediu in sustegn finanziel d'in milliun francs sut il tetel «infrastructura relevanta pil sistem» en favur dil Center Fontauna. La suprastonza communal sco era la cumissiun da baghegiar dil Center da sport e cultura ein ventireivels ed engrazieivels da quella grondiusa nova si da Cuera. L'informaziun publica pertuccont il project e credit Center Fontauna ha liug **gliendisdis, ils 14 da settember** allas 20.15 el Center Fontauna. La votaziun all'urna pertuccont il credit Center Fontauna ha liug ils 27 da settember 2020.
La suprastonza communal

Casa da traffic Lucerna

La vischnaunca da Mustér ha ils davos diesch onns purschiu a ses habitonts la pusseivladad da visitar gratuitamein la Casa da traffic a Lucerna. Quei ei stau pusseivel, damai che la vischnaunca era commembra collectiva dil museum. Muort in considerabel augment dils cuosts per quei commembradi, han las autoritads communalas decidu da desister naven d'uonn da quella purschida. Bien engraziament per la capientscha.
Administraziun communal

Postar e dislocar edifecis d'apicultura

Preziadas apiculturas, preziai apiculturs
Dapi l'entschatta 2019 ei la nova lescha d'agricultura dalla vischnaunca Disentis/Mustér en vigur. Sebasond sin art. 16 al. 2 dalla lescha d'agricultura basegnan edifecis mobils d'apicultura ina lubientscha dil possessur da terren ed ina lubientscha communal per poster e dislocar ils edifecis d'apicultura en vischnaunca. Nus supplichein mintga apicultur/a da far l'annunzia cun il formular corrispudent e d'inoltrar la damonda agl uffeci da baghegiar, Via Cons 2, 7180 Disentis/Mustér ni sut baghegiar@disentis.ch. Il formular sa vegnir retratgs tier l'administraziun communal ni sut disentis.ch/downloads/spurtegl-virtual/uffecidabaghegiar/damonda da spustar edifecis d'apicultura. Medemamein anfleis Vus sin nossa pagina la lescha sco era il regulativ da taxas tier la lescha d'agricultura (800/802).
Bien engraziament per Vossa collaboraziun.
Uffeci da baghegiar

Controlla da habitonts

Naschientscha

Jana Flepp, naschida ils 15 da zercladur 2020, feglia da Tamara Levy e Livio Flepp



Pumpiers Sursassiala – Incorporaziun 2021

Persunas che giavischan da prestar survetsch activ da pumpiers san s'annunziar a scret entochen ils 15 da fenadur 2020 al Commando da pumpiers, Via Salez 11, 7186 Segnas (info@pumpiers.ch). Ulteriuras persunas tenor indicaziun dall'administraziun communal ve-gnan contactadas directamein a scret.
Pumpiers Sursassiala

Corporaziun d'aua Las Fontaunas Mumpé Medel

Radunonza generala dalla corporaziun d'aua Las Fontaunas Mumpé Medel, venderdis, ils 26 da zercladur 2020 allas 20.00 el local «La Scursalada» Mumpé Medel.

Tractandas:

1. Beinvegni
 2. Elecziun d'in dumbravuschs
 3. Prelecziun ed approbaziun dil protocol dalla radunonza generala dils 20-6-2019
Prelecziun ed approbaziun dil protocol dalla radunonza extraordinaria dils 14-9-2019
 4. Rapport dil president
 - 5.a Renda quen per 2019
 - 5.b Rapport dils revisurs ed approbaziun dil quen
 6. Avegnir dalla corporaziun
 7. Taxas annualas
 8. Varia *La suprastonza*
-

Kirche erleben

Spirituelle Kirchenraumführungen

Was tun die vielen Flügelwesen in der Kirche? – Von den Engeln
16.00 – 17.00 Uhr, Klosterkirche St. Martin

Biblioteca popolare Disentis/Mustér e contuorn

Liug: Casa da scola, tel. 081 947 52 90 www.biblioteca-disentis.ch / biblioteca@disentis.ch

Preziada clientella. Nus selegrein d'era astgar esser cheu per Vus duront las vacanzas da stad. Naven da gliendisdis, ils 29-6-2020 entochen venderdis, ils 14-8-2020 ei nossa biblioteca mintgamai aviarta sco suonda: gliendisdis e venderdis, 18.30–20.00. Naven a gliendisdis, ils 17-8-2020 (entschatta da scola) ei la biblioteca puspei aviarta quater gadas per jamna.

Liebe Kunden. Es freut uns, dass wir auch während der Sommerferien für Sie da sein dürfen. Ab Montag, 29.6.2020, bis Freitag, 14.8.2020, ist unsere Bibliothek jeweils wie folgt geöffnet: Montag und Freitag von 18.30–20 Uhr. Ab Montag, 17.8.2020 (Schulbeginn), gelten wieder unsere üblichen Öffnungszeiten.

Nus giavischein a Vus bialas vacanzas e selegrein sin Vossa viseta.
Biblioteca popolare Disentis/Mustér e contuorn